



Scientia Sanctorum

Collecta Ex Meditationibus Ludovici De Ponte, Joannis Busaei, Joan. Suffren, Juliani Hayneufve, Et Antonii Gaudier, &c. E Societate Jesu, In Dominicis, Festa & ferias totius Anni digesta. Cum Indicibus duobus. I. In singulos dies. II. Ad Exercitia Spiritualia

Puente, Luis de la

Dilingæ, 1685

32. De piscina probatica.

[urn:nbn:de:hbz:466:1-60561](https://nbn-resolving.org/urn:nbn:de:hbz:466:1-60561)

perfectum nostrum : quare laudavit fidem mulieris, licet fortè imperfectam, & ratam habuit sanitatem. *Fides tua te salvam fecit : Vade in pace.*

MEDITATIO XXXII.

De sanato ad probaticam piscinam.

Ioan. 5.

PUNCTUM PRIMUM.

EA piscina, in qua oves sacrificandæ lavabantur, figura fuit Sacramentorum Baptismi & Vis piscinæ.

Pœnitentiæ : quæ vim habent à Christi sacrificio. Tres prærogativæ fuerunt illius piscinæ. 1. 1.

Quòd omnes morbos sanaret. 2. Quòd Angelus de cœlo veniebat, ut moveret aquam, eique virtutem impertiret. 3. Quòd primus, in eam ingressus sanabatur. Eadem excellentiùs in nostris Sacramentis insunt. Nam 1. sanant ab omni peccato. 2. Id perficitur virtute Angeli Testamenti, Christi Domini, in cuius etiam persona administrantur. 3. Non unum tantùm, sed omnes sanant, ritè accedentes, sed primos maxime, qui majori fervore accedunt; sed & imperfectè dispositos, per solam attritionem. Quantum sit beneficium expendè.

Sacramentorum vis similis.

- 1.
- 2.
- 3.

PUNCTUM II.

Languidus à Christo interrogatur. Vidit illius præ cæteris necessitatem à diuturnitate

te

1. **Jesus ultro miseretur miseri.** te 38. annorum, & quod ope destitueretur: ac ita illius misertus est. 1. Interrogat: *Vis sanus fieri?* haud dubiè volebat, cum ideo ibi esset: sed monemur duas voluntates requiri, ad obtinendam sanitatem, & Dei, & nostram. Divina promptu est, quia invitat nos: nostra autem debet esse efficax, non velleitas tantum. Ideo interrogat: *Vis?* non ait, *velles?* & debet omnem affectum peccati deponere. Atque hæc est prima dispositio, voluntas, desideriumque salutis.
2. **Agno-scit miseriam propriam languidus.** 2. Ex responso languidi colligitur altera: *Hominem non habeo*: quo simul significat, se velle, & non posse. Agnitio imbecillitatis propriæ sine Christo & ejus gratia. 3. Præ se tulit etiam patientiam, cum non sit questus, quod non juvatur. Valet ad exemplum, cum Deus differt opitulari, & à tentationibus liberare. Ferendum est patienter, & perseverandum in petendo: nam, *cum te consumptum putaveris, orieris ut Lucifer.*
3. **Patientia.** *Job. 11. 17.*

PUNCTUM III.

Verbo sanatur.

Curatur Paralyticus solo verbo: *Surge*, ex potestatis plenitudine, neque fidem postulavit, nec tetigit, nec piscinæ admovit. Iubetur tollere grabatum suum, in signum perfectæ sanitatis: ita spiritualiter, quando anima potens redditur supra corpus, dominando illius cupiditatibus, perfectè sanata est. Obedivit homo, & sustulit grabatum, non obstante sabbati religione, quia Christus jubebat exemplum cæcæ obedi-

Obedientia.

obedientiæ : quare reprehensus, respondit : qui me sanum fecit , ille mihi dixit , ille tantus est, sufficit.

PUNCTUM IV.

Christus instruit sanatum. 1. Declinavit à turba. Docens nos vitare plausum : deinde venit in templum, quo sciebat hominem divertisse, ut eum instrueret, & Patri gratias ageret pro miraculo : sed & ille venerat eo, ut gratias ageret pro beneficio accepto. Dixit autem illi Dominus : Ecce sanus factus es, jam noli peccare, ne deterius tibi aliquid contingat. In quo tria sunt documenta.

I. Declinat Christus turbam.

Documenta

I. Quòd peccata sint causa morborum : id de meis sentiam ; cùm alioqui veniant etiam ad exercitium virtutis, & Dei gloriam.

I.

II. Quòd monet : Noli amplius peccare, propositum firmum exigit. Nam alioqui, nunquam peccare, etiam leviter, non est vitæ præsentis.

II.

III. Quòd pejora minatur, si peccet : utique ob ingratitude[m] erga Deum, sanitatis largitorem, & quia ostenderet non magni æstimare beneficium.

III.

PUNCTUM V.

Sanatus nuntiat Iudæis, Iesum esse à quo sanatus sit, nempe gratus pro beneficio. Sic Christus ipse aliquando iussit : Vade ad tuos, & annuntia illis, quanta tibi Dominus fecerit.

Pœnitentes Deum laudant, & cebo. Marc. 5. 19.

Z

cebo

Marc. 5. 19.

Pf. 50.
15.

cebo iniquos vias tuas, & impii ad te convertentur. Agit autem prudenter, quia non ait, qui grabatum tolli iussit, fuisse Iesum, quod id erat Iudæis invidiosum, sed *qui me sanum fecit.*

MEDITATIO XXXIII.

De Leproso sanato, & mundato, & ad Sacerdotes misso. Matth. 8.

PUNCTUM PRIMUM.

Leprosi.

1.
Reverentia.
2.
Fides.
3.
Resignatio.
Matt.
8, 2.

Leprosi virtutes in orando. 1. Reverentia genu flexo, & procidens in faciem orabat. 2. Fides: *Si vis, potes me mundare*, sola voluntate potes: nec dubitat de bonitate: sed ne fortè iple non sit dignus beneficio. 3. Resignatio suæ voluntatis, dum expressè non petit, sed tantùm aperit necessitatem suam. Ergo meipsum tanquam leprosum coram Deo sistam, & simili affectu orabo.

PUNCTUM II.

1.
Christi
Misericordia.

2.
Potentia
Psal. 34.
3.

Mundatur à Christo, in quo ostenduntur virtutes. 1. Misericordia. Misertus ejus *extendit manum suam*: si corporalis lepræ misertus, quantò magis spiritualis? at lepra corporalis horrorem parit: & spiritualis, etiam ipsi Deo: sed cum hæc nobis ipsis sit abominabilis, provocat misericordiam Dei. 2. Bonitas & potentia, nam fidei dicentis: *si vis*, respondit: *volo*, profertenti potentiam, *potes*, verbo præstat sanitatem, *mundare*, esto mundus. *Dic anima mea: salus tua*

tua